



Ráðhús Reykjavíkur
Borgarráð
Tjarnargötu 11
101 Reykjavík

Tillaga velferðarráðs um að koma á fót nýju neyðarskýli fyrir unga heimilislausa vímuefnaneytendur.

Á velferðarráðsfundi, þann 10. ágúst 2018, var lögð fram tillaga velferðarráðs um að koma á fót nýju neyðarskýli fyrir unga heimilislausa vímuefnaneytendur.

Lögð fram svohljóðandi tillaga velferðarráðs:

Lagt er til að velferðarráð samþykki að keypt verði húsnæði fyrir nýtt neyðarskýli fyrir unga heimilislausa vímuefnaneytendur. Settar verði 60 mkr. í stofnkostnað vegna úrræðisins og útgjöld til málaflokksins aukin um 135 mkr. á ári f.o.m. janúar 2019.

Samþykkt

Greinargerð fylgir tillögu.

Fulltrúar Samfylkingar, Pírata og Vinstri grænna leggja fram svohljóðandi bókun:

Nú hefur verið samþykkt að opna nýtt neyðarskýli fyrir unga heimilislausa karla sem eru í vímuefnaneyslu. Um er að ræða hreina viðbót við þá umfangsmiklu þjónustu sem Reykjavíkurborg veitir þessum hópi nú þegar, en nú njóta rúmlega 70 einstaklingar sértækrar aðstoðar. Frekari aðgerða og úrræða er þörf og munu fleiri tillögur líta dagsins ljós í kjölfar þeirra stefnumótunar sem nú mun fara af stað.

Fulltrúi Sjálfstæðisflokksins leggur fram svohljóðandi bókun:

Ljóst er núverandi meirihluti er fyrst núna að átta sig á og viðurkenna þann mikla vanda sem er í málefnum heimilislausra en hins vegar er alveg ljóst að tillögur meirihlutans eru á algjörum byrjunarreit eins og tillagan um neyðarskýli fyrir unga karla ber með sér. Hér er t.d. ekki búið að útfæra tillöguna betur en svo að ekki hefur verið ákveðið hvar skýlið skuli staðsett. Ljóst er að hér um bráðavanda að ræða sem þarf að bregðast við strax.


Fögnum tillögu um fjölbreytt úrræði fyrir fjölbreytta hópa. Hins vegar taka þessar tillögur ekki á heildarvandanum sem húsnæðisleysi er. Þar af leiðandi eru þessar aðgerðir aðeins lítill plástur á stórt vandamál sem hefur verið að aukast síðustu ár.

Fulltrúar Samfylkingarinnar, Pírata og Vinstri grænna leggja fram svohljóðandi bókun:

Þessari tillögu er ekki ætlað að leysa vanda heimilislauss fólks á einu bretti, heldur er verið að bregðast við hugmyndum fagfólks borgarinnar um að aðskilja eldri karla og yngri hvor frá öðrum, þar eð vandamál og þarfir þeirra séu mismunandi og aðskilnaður myndi skila betri þjónustu fyrir báða hópa. Tilgangurinn er að veita sem besta þjónustu í samræmi við bestu fagþekkingu hverju sinni. En þó fagnar meirihlutinn nýtilkomnum áhuga Sjálfstæðisflokksins á að leysa úr vanda þessa hóps og vonast til að sjá fleiri slíkar hugmyndir frá honum á næstunni og á öðrum stjórnsýslustigum.

Tillagan er hér með lögð fyrir borgarráð til samþykktar.

Virðingarfyllst,



Regína Ásvaldsdóttir,
sviðsstjóri

Reykjavík, 10. ágúst 2018

334. fundur

Lagt fyrir fund velferðarráðs 10. ágúst 2018

Tillaga

Velferðarráðs:

Lagt er til að velferðarráð samþykki að keypt verði húsnæði fyrir nýtt neyðarskýli fyrir unga heimilislausa karla í vímuefnaneyslu. Settar verði 60 mkr. í stofnkostnað vegna úrræðisins og útgjöld til málaflokksins aukin um 135 mkr. á ári f.o.m. janúar 2019.

Greinargerð:

Með utangarðsþjónustu er átt við þjónustu fyrir fjölbreyttan hóp fólks sem af ýmsum ástæðum er heimilislaust. Í nágrannalöndum okkar er hópurinn kenndur við húsnæðis- eða heimilisleysi (e. roofless og homeless), en hér á landi hefur orðið utangarðsfólk verið notað. Algeng einkenni í þessum hópi eru fíkn og neysla, geðrænn vandi, frávik í þroska, saga um áföll og félagslegir erfiðleikar - oftar en ekki blanda af þessum þáttum. Flestir sem tilheyra þessum hópi eiga rétt á heilbrigðisþjónustu vegna veikinda og fíknar og njóta fjárhagslegs stuðnings frá Tryggingastofnun vegna örorku og/eða jafnvel fötlun. Allir eiga svo rétt á þjónustu sveitarfélagsins vegna félagslegra erfiðleika og húsnæðisleysis.

Tillagan byggir á *Stefnu um málefni utangarðsfólks 2014-2018* sem samþykkt var á fundi velferðarráðs 13. febrúar 2014. Í tillögunni er gert ráð fyrir auknum stuðningi við unga einstaklinga sem eru heimilislausir og glíma við áfengis- og vímuefnavanda og/eða geðræn veikindi. Í neyðarskýlinu verður tekið á mót 15 einstaklingum.

Með nýju neyðarskýli verður hægt að aðgreina hóp yngri og eldri karla. Ungum mönnum, sem neyta vímuefna um æð hefur fjölgað hlutfallslega í Gistiskýlinu á undanförunum árum. Með því að hafa einstaklinga með ólíkt neyslumynstur og á ólíkum aldri undir sama þaki skapast hættu bæði fyrir þjónustuþega og starfsmenn. Stærð hópsins sem dvelur í Gistiskýlinu á hverri nóttu er 25 manns og er það mat starfsmanna að æskilegra sé að hafa einingarnar minni þar sem hægt er að þjónusta einstaklingana betur og veita meira öryggi. Með því eflast einnig forvarnir í utangarðsþjónustunni með aukinni sérhæfingu í þjónustu við yngri hóp karla, sem oftar glíma við fjölþættari vanda og hafa styttri neyðslusögu. Þessi hópur á að mörgu leyti ekki samleið með þeim hópi sem áður nýtti mest þjónustu Gistiskýlisins, sem er fyrst og fremst í áfengisneyslu. Eldri hópur einstaklinga eru jafnframt í þörf fyrir meiri þjónustu vegna aldurs og margs konar

heilsufarsvandamála. Í nýju neyðarskýli verður opið frá kl. 17:00 til kl. 10.00 næsta dags. Gert er ráð fyrir sambærilegri mönnun og í Gistiskýlinu. Aðkoma skrifstofu eigna- og atvinnuþróunar og umhverfis- og skipulagssviðs er nauðsynleg til að finna hentuga staðsetningu fyrir nýtt skýli.

Áætlaður árlegur rekstrarkostnaður vegna nýs neyðarskýlis er 135 mkr. frá og með 2019. Í rekstrarkostnaði er innifalið húsaleiga, launakostnaður og annar rekstur. Auk þess er gert ráð fyrir stofnkostnaði upp á 60 mkr. ásamt kaupum á húsnæði, en sá kostnaður er ekki hluti af tillögunni.